

Roiatanehrakwa', ronikonhrio onwe,
Rotiesen kowa, onen ronwenniten-
tase.

Ii sonkwaniante sonkwantenatiron-
ten
Sonkwaskontakohe aionkwatetsira-
ton.

Sewatsteniaron, tsionkwe, sewatste-
niaron,
Sonkwanonwes, katsiwanonteratie.

II.

Kakwirie Nazareth ne wahahtenti,
Rahroriane Wari ne tsi neniawen;
Rariwenhawi nakwa kariwanoron:
Ne entsatweton ne Nio biatatienna.

Wari wahotsanike ne Kakwirie,
Wakenron: iah taonton ne satrori,
Ne wahonni iahte kenakwaieteri,
Nio rirharatstenni, nentkatatewen-
naiert.

Satka ne setsanis, ionsabenron,
Iahten te bororonse rakennhaon;
Rotkon akwa ne Roiatatokenti
Enhiatitatabase nonwa ksatonniane.

Onen tontati Wari, iotontaton,
Etho neniawen tsini sewennoten,
Rakiatawenk raonha Rawennio
Ethoni hakierase tsini horiwison.

Iahten tehonisekwen Nio Rotkon.
Kaiatak Wari ne raksatonni;
Onen nonwa wasonkwennakeratse,
Twakwekon tsi twaonkwe Nio hia-
tatienna.

Wari saiatateri, satontaton,
Akwekon nonkwe okon shetenra-
nions,
Rawennio hetsienha wa'onsere,
Sonkwaianerenstha ne ionkwenten-
tonne.

Iahte swanekherens se, twatateken,
Tsini hanoronkwa Iesos Ronistenha,
Iah nonwenton thawennontion Non-
wari
Twakwekon twatsteniaron na'tewa-
niahese.

Tsiaken kati, Wari, ne takwaienna,
Hetsenikonbraseronni tsiatatienna,
Karonhiake nonen eniakwenheie,
Iensakwaiatorenne sesonkwaskonta-
kon.

Tsi naontahaseron.

Ise swaronhiakehronon,
Swakwekon swanehrako
Tsi watatkenrenseronnis
Wari ionkwanistenha,
Nonwa sewaterennaienhase,
Iahten tsi tekaieronni
Tsini kaiatanoron.

Onen nonwa, twatateken, ionkwaia-
taterihon
Iesos ne Sonkwawennio tontason-
kwentenrane;
Shonikonbraseronniane Roniha
Ne sonkwaswenskwe nionkwariwa-
nerahaskon.

Ioterientare Wari ne tsinontaiawen-
sere,
Iesos ensonkwenheise tekaientan-
hareke,
Roienha wahotewentete tsini akwa
Waskaneks aiontsennonni nonkwe

Tsinabe ieriwaneraks
Kentiohkwa'wekon nonkwe,
Nio ia te hanonwese
Thonwanonweronnienna;
Raonha kati Roienha
Ne akwa satehniatoten
Wathononweratonne.

Sahonwaiatinionte
Ononsatokenkonke,
Tsini ionkwariwaneren,
Shoriwaseronniane
Nonwa sonkwatewentetenni
Raonha raonekwensa
Nok oni raieronke.

Etho Simeon rokstenha
Anen oni iweskwe
Iesos ronwaiatorenne,
Ne ronwaiatisakskwe;
Tetsiaron wathiatonti
Tehonwanonweratonnions
Sakotenrane nonkwe.

Iesos akwa takwanonwes,
Iah sane te iakionkwe;
Ii oni enkwanonwene
Niate wenniserake.
Tiotkon eniakwatontate
Tsinikon nenionkhirori
Ne iesawennenhawe.

Ise, Wari, Sose oni
Iesos swakwekonhatie,
Takwaterennaiennas
Tsi iakwes nonwentsiake;
Katkeha eniakwe iheie,
Asakwaken Rawennio
Tsinenwe karonhiake.